



SURUHANJAYA PILIHAN RAYA MALAYSIA

# **KENYATAAN MEDIA**

**BIL. 35 / 2021**

## **HARI MENGUNDI PILIHAN RAYA UMUM DEWAN UNDANGAN NEGERI (PRU DUN) SARAWAK KE-12 PADA 18 DISEMBER 2021 (SABTU)**

1. Seramai **1,213,769** orang pengundi biasa daripada **1,252,014** orang pengundi berdaftar, layak mengundi pada **18 Disember 2021 (Sabtu)**. Manakala seramai **20,360 orang** adalah pengundi awal dan **17,885 orang** telah mengundi secara pos.
2. Bagi pengundi yang telah mengetahui maklumat pengundian, disaran terus ke saluran mengundi yang ditetapkan. Para pengundi juga disaran agar membuat semakan lebih awal sebelum hari mengundi melalui saluran-saluran berikut:
  - a. Portal semakan daftar pemilih **<https://pengundi.spr.gov.my>**;
  - b. **Aplikasi MySPR Semak**; atau
  - c. **Hotline SPR di talian 03-8892 7018**.
3. Semasa membuat semakan, pengundi disaran untuk mencatat dan menyimpan maklumat-maklumat berikut:
  - a. pusat mengundi;
  - b. saluran mengundi; **dan**
  - c. nombor bilangan pemilih.

4. SPR juga melalui aplikasi MySPR Semak, meletakkan maklumat **Masa Keluar Mengundi Yang Digalakkan** untuk setiap pengundi dan pengundi dinasihatkan supaya keluar mengundi mengikut masa yang dicadangkan tersebut. Sekiranya pengundi tidak dapat hadir pada masa keluar mengundi yang digalakkan atas sebab-sebab tertentu, pengundi masih boleh keluar mengundi mengikut kelapangan masa dari jam **7.30 pagi hingga 5.00 petang ATAU waktu yang telah diwartakan** di pusat mengundi masing-masing. Namun demikian, pengundi adalah dinasihatkan untuk tidak keluar mengundi pada saat-saat akhir dan sentiasa mematuhi semua undang-undang, peraturan dan garis panduan khas pencegahan Covid-19 pada hari mengundi nanti.
5. Para pengundi diingatkan supaya membawa **kad pengenalan** dan **catatan maklumat pengundian** serta menunjukkannya kepada Kerani Pengundian Pertama (KP1) di saluran. Catatan maklumat pengundian itu akan memudahkan KP1 untuk membuat semakan nama pengundi serta membantu kelancaran proses pengundian pada hari mengundi.
6. Selain itu, pengundi juga dinasihatkan untuk menyimpan kad pengenalan mereka dengan selamat dan tidak menyerahkannya kepada pihak lain kecuali petugas pilihan raya di pusat mengundi masing-masing. SPR menyeru kepada semua pengundi supaya keluar menunaikan tanggungjawab mereka sebagai pengundi pada hari Sabtu ini.

Sekian.

**DATO' INDERA IKMALRUDIN ISHAK**

Setiausaha

Suruhanjaya Pilihan Raya Malaysia

16 Disember 2021 / 11 Jamadilawal 1443H

